

Pisortat inissiaataannik attartortut inissiat pitsaassusaat aallaavigalugu, immikkoortortaqarfiit aningaasaqarnerannut ajorseriaataannngitsumik, attartornermut akiliuteqartalersinnaanerannut periarfissat misissoqqullugit kiisalu misissuinermi ilanngullugu attartornermut akiliutit attartortullu akiliisinnaassusaat eqqarsaatigalugit ineqarnermut tappiissutit naapertuunneersut misissoqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut
(Saqq. Inatsisartunut ilaasortaq Kristian Jeremiassen, Siumut)

pillugu

Sanaartornermut ataatsimiititaliap

ISUMALIUTISSIISSUTAA.

Siunnersuutip aappassaaneerreqarneranut tunniunneqartoq.

Suliarineqarnerani Ataatsimiititaliaq ukuninnga inuttaqarpoq:

Inatsisartunut ilaasortaq Karl-Kristian Kruse, Siumut, siulittaasoq
Inatsisartunut ilaasortaq Anders Olsen, Siumut, siulittaasup tullia
Inatsisartunut ilaasortaq Nikolaj Jeremiassen, Siumut
Inatsisartunut ilaasortaq Aqqaluaq B. Egede, Inuit Ataqtigiit
Inatsisartunut ilaasortaq Kalistat Lund, Inuit Ataqtigiit

UPA 2014-imi ull. 7. maj siullermeereernerani siunnersuut Ataatsimiititaliap misissorpaa.

Siunnersuutip imaa aamma siunertaa

Aalajangiiffigisassatut siunnersuummi pisortat inissiaataanni attartortittakkani pitsaassutsip aamma ineqarnermut akiliutip naammaginartumik ataqtigiinnerat Naalakkersuisunit misissoqquneqarpoq, kiisalu ineqarnermut akiliutip annertussusaata aamma attartortup isertitaasa imminnut ataqtigiinnerat qulaajaqquneqarluni.

Siunnersuutip Inatsisartuni siullermeerneqarnera

Ineqarnermut akiliutip annertussusaata inip pitsaassusaanut sanilliullugu misissuinissaq siunertamut iluaqutaassasoq nalinginnaasumik isumaqataaffigineqarpoq.

Naalackersuisut nalunaarutigaa, 2014-imi ineqarnermut tunngassuteqartut assigiinngitsut pillugit misissuisoqassasoq, tamannalu akileraartarnermik isumaginninnermillu misissuineranut atasutut isigineqassasoq.

Ataatsimiititaliap siunnersuummik suliaqarnera

Siunnersuuteqartup siunnersuummini aamma Naalackersuisut akissuteqaataanni ajornartorsiutit saqqummiunneqartut Ataatsimiititaliap isummersorfigai.

Misissueqqissaarnernut ingerlanneqartunut misissugassatut kissatigisat saqqummiunneqartut Naalackersuisunit ilanngunniarneqarmata Ataatsimiititaliap iluarisimaarlugu maluginiarpaa.

Ataatsimiititaliattaq maluginiarpaa, misissueqqissaarnermi ineqarnermut tapiissutitut apeqqutit Naalackersuisunit ilaatinneqassasut.

Tamatumunnga atatillugu Ataatsimiititaliap UPA 2014/34-p aappassaaneerseqarnissaanut isumaliutissiissusiami kaammattuutigisimasani innersuussutigissavai, tassani Ataatsimiititaliaq ima allammat:

“Ataatsimiititaliaq isumaqatigiittoq isumaqarpoq, attartornermut peqqussutikkut attartortup aamma attartortitsisup akornanni pissutsit tunngaviusumik malittarisassiuunneqassasut, taamaattumillu attartortut ataasiakkaat attartortut allat ineqarnermut akiliutissatik akilertarneraat susassarinngikkaat.

Ataatsimiititaliaq isumaqatigiittoq isumaqarpoq, ineqarnermut tapiissuteqartarnermut atatillugu killissarititaasunut malittarisassat atuuttut periarfissaq siulleq atorlugu aaqqissuuteqqinneqartariaqartut.

Ataatsimiititaliaq isumaqatigiittoq isumaqarpoq, ineqarnermut tapiissutitut killissarititaasut aaqqissuuteqqinneranni killissarititaasut nikerarsinnaasut atuutlernissaat isumaliutigineqartariaqartoq, taamaalillunilu assersuutigalugu nalinginnaasumik akinik nikerartitsineq malinneqarsinnaassalluni.”

Ataatsimiititaliap naqissuserpaa, ineqarnermut akiliutitut tunngassuteqartut isumaginninnermi naalackersuinikkut atugassatut isigineqassanngitsut, tamatumami init eqqortumik aserfallatsaalineqanngippata inuiaqatigiit akilertariaqagaannik init ajorseriarnerannik tamanna kinguneqassammat.

Siunnersuutip aningaasatigut kingunissai

Inatsisartut suleriaasianni § 33, imm. 1-imi allassimavoq, siunnersuut tunngavilersugaassasoq siunnersuutillu aningaasatigut allaffissornikkullu kingunerisassai allaaserineqarsimassasut.

Ataatsimiititaliap paasivaa, tamanna naapertorlugu siunnersuutip piviusunngortinnerani aningaasatigut kingunissai allaaserineqarsimasut, taamaalillunilu misissueqqissaarluni sulinerit suleqataasumit ataatsimit ukiup affaani isumagineqarsinnaasariaqartut, kiisalu Naalakkersuisut akissuteqaatiminni allatut isummernissamut tunngavissiiingitsut.

Ataatsimiititaliattaq maluginiarpaa, suliassat misissueqqissaarnernut aallartinneqareersunut ilanngunneqarsinnaasut Naalakkersuisut nalunaarutigigaat, taamaattumillu Sanaartornermut ataatsimiititaliap inerniliupaa misissueqqissaarnermik suliaqarnermi Nunatta Aningaasivianit akissaajaateqartoqarnerussanngitsoq.

Ataatsimiititaliap inassutai**Ataatsimiititaliap isumaqatigiittup:**

Misissueqqissaarluni sulianit angusat qilanaarai, taakkumi misissuinernut aallartinneqareersunut ilaatinneqassapput.

Taamaattumik tamanna tunuliaqutaralugu siunnersuut taama isikkoqartillugu Inatsisartunit akuerineqassasoq **Ataatsimiititaliaq isumaqatigiittoq inassuteqarpoq.**


Taamatut oqaaseqarluni isumaliutissiissummilu allassimasutut paasinnilluni Ataatsimiititaliap siunnersuut aappassaaniigassanngortippaa.



Karl-Kristan Kruse,
Siulittaasoq




Anders Olsen




Nikolaj Jeremiassen

22. maj 2014

UPA 2014/103


Aqqaluaq B. Egede


Kalistat Lund